

ՍԱՐԳԻՍ ՍԽԻԹԱՐՅԱՆ

11-ՐԴ ԴԱՐԻ ՀԱՅ ԲԱՆԱՍՏԵՂԾՈՒԹՅԱՆ
ՅՈՒՐԱՀԱՏԿՈՒԹՅՈՒՆՆԵՐԸ

Հայ միջնադարի համար այս ժամանակաշրջանը դարձավ ամենանշանակալիցը, ստեղծագործական երկունքի առումով՝ ամենաբերքառատը: Սկսվեց աննախադեպ մշակութային վերելք՝ իր բազմակողմանի և զուներդ դրսևորումներով, իմաստասիրական մտքի պայծառ փայլատակումներով¹: Ասպարեզ եկած համճարեղ Գր.Նարեկացին, ստեղծագործել սկսելով տասներորդ դարում, իր զուխգործոցը երկնեց տասնմեկի սկզբին /1003թ./: Նրան շարունակեցին Գր. Սագիստրոսը, Հովհ. Իմաստասերը և ուրիշներ՝ ապահովելով մեր գրականության շարունակական ընթացքը²:

Երկնառաք Մատյանում Գր. Նարեկացին դիմեց Աստծուն.

Տե՛ր պարգևատու, ինքնաբուն բարի,
Ամենքին իշխող հավասարապես,
Միակ արարիչ ամեն գոյության՝ անգոյությունից,
Ո՛վ փառավորյալ, անքնին, ահեղ....
Անսկիզբ-անվերջ ու անժամանակ,
Գիտություն անմեզ, տեսություն անգայթ,
Էականություն անկասկածելի /Գ,Ա/:

Մատյանի մուտքը բանաստեղծը սկզբնավորում է ավանդական զոհաբերության ծեսով: Երկի կառույցը նմանեցվում է շինության, որի ամրությունն ու հարակալությունն ապահովելու համար նրա հիմքում անմեղ զոհ է դրվում: Այստեղ այդ զոհը քնարական հերոսն է: Ըստ արվեստաբան Ժ.Խաչատրյանի՝ աղոթք-դյութանքի շնորհիվ ապահովվում է կառույցի՝ չար ուժերի կողմից

¹ Տե՛ս Մ.Աբեղյան, Երկեր, հ.Դ, 1970, էջ 17-32: Э. Межелайтис, Армянский феномен, Е., 1982, с.62-66.

² Տե՛ս Մ.Մխիթարյան, Գր.Սագիստրոսի կյանքը և գեղարվեստական ժառանգությունը, Ե., 2001, էջ 26-31: Հայկական Վերածնության մերժումը գեղագիտական և տեսական շատ խնդիրներ զրկում է լուծման բնականոն հնարավորությունից, իսկ նրանց զարգացման օրինաչափությունները դարձնում անհասկանալի: Հայկական Վերածնությունը նման չէ և չպետք է քննվի եվրոպական Վերածնության շրջանակներում, քանզի նա հենց եվրոպայի տարբեր երկրներում իր ամենատարբեր դրսևորումներն ունեցավ, ու մի երկրի յուրահատկությունները չկրկնվեցին մյուսներում: Տե՛ս А. Ф. Лосев, Эстетика Возрождения, М., 1978, с. 20-23.

չավերվելը³ ժողովրդական գիտակցության մեջ: Հրաժարվելով ժամանակի պատմական ըմբռնումից՝ բանաստեղծը թափանցում է ժամանակային նոր տիրույթ: Դա շարունակական ներկան է արվեստի ստեղծագործության մեջ: Հակադրվելով պատմական ժամանակին, որի մեջ դեպքերը, ծնվելով ժամանակային տիրույթից, «գրավում» են տարածությունը, պոեզիայում իրողություններն են «ծնունդ» ժամանակը.

Սաստիկ ամոթից դեմքով գետնահակ ու կորագլուխ,
Անկարող շարժել լեզուն անվստահ ու անհամարձակ,
Դիմելով գրչին, որ միջնորդ է մի
Ամուր կողպեքով արժանապես փակ, պապանձ շուրթերիս,
Նոր հառաչածայն պաղատանքների երգեր ոգելով՝
Հեծծեմանքներով դառն ու աղեկեղ
Բարձունքներն ի վեր պիտի առաքեմ /ԺԲ,Բ/:

Թեև ամեն ինչ տարիների սահմանով է չափվում, բայց իր կյանքը տարրալուծվում է անսահմանի մեջ: Խուսափելով ժամանակի պատմական կոնկրետությունից՝ բանաստեղծը ձգտում է պատկերային կոնկրետության: Դրա համար էլ նա թափանցում է փիլիսոփայական տիրույթ, որտեղ կարևորվում է խոհը: Մատյանի կառուցվածքային տիրույթում.

ա/ մտավոր շարժումը հարակրկնությունների ձևով փոխարինում է սյուժեին.

բ/ կերտվում է մի այնպիսի հորինվածք, որի մուտքը ցանկացած կողմից հնարավոր է ու թույլատրելի⁴:

Երկի ամեն գլուխ օժտված է հարաբերական ինքնուրույնությամբ, ունի իր ստույգ խնդիրը / ձեռագրերում նույնիսկ դրանք վերնագրված են/⁵: Ավելի լայն առումով Գր. Նարեկացու քնարական հերոսն առաջադրում է մարդու՝ մահվանից ազատվելու և հավերժականին հասնելու փրկագործության խնդիրը.

....Թող որ ամենքին կյանք կամեցողիդ
Ու պարզևողիդ գթությունը գա,
Լույսդ ճառագի, փրկությունդ փութա,
Օգնությունդ հասնի, այցդ ժամանի,
Ողորմությանդ ցողն շտապելով՝
Ոռոգի պապակ անդաստաններն այս
Թշվառությամբ խոր մահվան վիհն ընկած գոս ոսկորներիս,
Եվ կենարարիդ սրբազան արյան բաժակն երկնավոր,
Որ միշտ անսպառ պատարագվում է

³ Տե՛ս Ժ.Խաչատրյան, Ծիսական պարը տիեզերաստեղծման արարողակարգում, Ծիսական պարը հայոց մեջ /գիտաժողովի նյութեր/, Ե., 2002, էջ 10:

⁴ Տե՛ս Ս.Մխիթարյան, «Ես եմ համայնը, և ամենքինն է պարփակված իմ մեջ», Տնտեսագետ, /պաշտոնաթերթ/, ք.6, Ե., 2003, էջ 12:

⁵ Մատեան, էջ 160:

Որպես հիշատակ մնջեցյալների
Հոգու փրկության ու կենդանության

Ծաղկեցնի ու պտղաբեր դարձնի դաշտն իմ մարմնեղեն /Դե, Գ/:

Մատյանը հավերժի ու հավերժականի մասին գիրք է, որը մեր անցյալը և զաւիթը շաղկապում է իրար: Քնարական հերոսը ծգտում է Աստվածային Շնորհի միջոցով հասնել անմահության: Նրա համար Աստված և տիեզերական անհունն իր տեսանելի և անտեսանելի ձևերով ներթափանցված են իրար մեջ ու նույնացած: Մարդը աստվածայինի կրողն է, որ մաքրագործվելով կրկին պետք է վերամիավորվի իր նախասկզբի հետ: Միստիկ Գր. Նարեկացին վերջնաարդյունքում հանգում է հումանիզմի սկզբունքների պաշտպանությանը⁶: Նրա գերխնդիրը մարդուն բարոյական անկումից փրկելն է և հոգևոր արժեքների վերականգնումը: Իր տաղերում մեծ ճգնաժողովը դրսևորում է քնության պաշտամունք, ուր ամեն գոյի հետևում քնարական հերոսը տեսնում է Արարչին: Լայն առումով 11-րդ դարի արվեստի ակունքում մարդն է, և մշակույթը մարդակենտրոն ուղղվածություն ունի: Դա է պատճառը, որ մարդու մասին պատկերացումներում բանաստեղծական միտքը դիմում է համարձակ բացահայտումների: Գր. Նարեկացու ժամանակակից Վ.Արևելցին իր Ներողում եզեկիել մարգարեի նկարագրած չորս արարածներից /մարդ, առյուծ, եզ, արծիվ/ ամենամեծ փառքի արժանացնում է մարդուն⁷: Նա ոչ միայն Անիական արքաների կյանքն է պատկերում, այլ վերակերտում է „Աստվածաշնչի, կերպարների հայկական արքեստիպերը և մտածողության ազգային կաղապարները: Ընդ որում, երբեմն երկնային կառքին լծված խորհրդանշական կենդանիներն ինչ-ինչ կերպ կապվում են չորս տարրերի հետ: Ձենման արարողությունը հիշեցնում է այն նույն քանդակապատկերները /եզան գլուխ, ոտքեր և կաշի/, որ դրոշմված են „վիշապներ“ կոչված ջրի պաշտամունքի քարակոթողների վրա⁸/ Ք.ա. 5-րդ ազարամյակ/: Նույն զոհաբերության ծեսը, որ կա Մատյանում⁹:

Սակայն մարդու իրավունքն ավելի շատ պաշտպանվում է հենց այս դարաշրջանում, երբ առաջադրվում է հոգու փրկության հարցը սեփական մարմնի մեջ: Ներբողյանի 3-րդ մասը՝ „Ի Կերպ առիւծոյն հարազատ է այն

⁶ Տես Վ. Զալոյան, Հայոց փիլիսոփայության պատմություն, Ե., 1975, էջ 303-418: Չընդունելով հեղինակի որոշ տեսակետներ՝ համամիտ ենք նրա սկզբունքային բաժանումներին հետ:

⁷ Վ. Անցի, Անցիի Վարդան վարդապետի երգելի կառու..., Բանբեր Մատենադարանի, ք. 10, Ե., 1971, էջ 278:

⁸ Տես Մ.Արքայան, «Վիշապներ» կոչվող ..., Ե., 1941:

⁹ Վերգիլիոսն օրինակ «Գեորգիկայում» փառաբանում է երկրագործությունը, այգեգործությունը, անասնաբուծությունը և մեղվաբուծությունը: Այդ ամենում նկատելի են պտղաբերության աստծու պաշտամունքի հետքերը:

բառապատկերային ընդհանրությամբ, որ ունի սա Գր.Նարեկացու „Տաղ Վասն Վերացման Խաչին,, /Ես ծայն զառիժուն ասեմ՝.../ տաղի հետ: Առյուծակերպ Քրիստոսը դժոխքի կործանիչն է և միաժամանակ Միհր-Միթրայի քրիստոնեական խորհրդանիշը¹⁰:

Կյանքը թևակոխում է աշխարհիկ փուլ՝ վերակրկնելով անտիկ մշակույթի կարևորագույն շատ հատկանիշներ¹¹: 11-րդ դարի բյուզանդական պատմիչ Մ.Փսեղլոսը քննադատում է կայսրուհի Զոյեի մի քանի ապօրինի ամուսնությունները և քրիստոնյա գիտնականների աստղագուշակություններով, մոգությամբ, դիվագիտությամբ զբաղ վելը¹²: 11-րդ դարի ճիշտ նմանատիպ երևույթների մասին է խոսում Գր. Մագիստրոսը թոնդրակյանների գաղափարական սկզբունքների քննադատության առիթով¹³: Դա հաստատում է, թե միջնադարի այս շրջանը որքան է աչքի ընկնում այլախոհությամբ, բայց Մագիստրոսին հաջողվում է գաղափարական լուրջ հակահարված տալ թոնդրակեցիների աղանդին¹⁴: Սակայն թոնդրակյաններն էլ հատկապես չէին զիջում շատ խնդիրներում՝ արտահայտելով համարձակ, քրիստոնեական նախնական ժամանակներին բնորոշ հավասարարական գաղափարներ: Պահլավունյաց իշխանը ստիպված տեղահանում է նրանց, որ սրանք հետ կանգնեն իրենց մոլորություններից, անընդունելի բարքերից¹⁵:

Ուշագրավ են Մագիստրոսի հարաբերություններն իր ժամանակի օտարագգի գիտնականների հետ: Իր մի թղթում /3/ արաբ Իբրահիմ ամիրային նա գրում է, թե հաճելի է բարի մտքով խոսել իր նամակագրի առաջադրած հետաքրքիր աստվածաբանական խնդիրների շուրջ¹⁶: Առաջադրած բազմաթիվ հարցեր քննվում և ստանում են հիմնավոր պատասխաններ: Իրար հետ բանավիճում և աշխարհայացքային զանազան «անթույլատրելի» հարցեր են քննարկում դավանանքով և ազգությամբ ամենատարբեր մարդիկ: Այսպիսի հնարավորություն նրանց ընձեռում է ազատախոհության դարաշրջանը: Այստեղ է, որ Գր. Մագիստրոսը հանդես է գալիս իբրև արևելաքրիստոնեական աշխարհի նշանավոր դեմք, մեծ մտածող ու իմաստասեր: Կիրակոս Խույն դարին Պահլա-

¹⁰ Տե՛ս Ա.Գարությունյան, Գին Գայոց հավատալիքները, կրոնը, պաշտամունքն ու դիցարանը, Ե., 2001, էջ 41:

¹¹ Տե՛ս М.Пселл, Хронология, М., 1978, с.58.

¹² Տե՛ս նույն տեղում, էջ 278 և ծանոթ. 23-ը:

¹³ Գրիգոր Մագիստրոսի Թղթերը, Ալեքսանդրապոլ, 1910, էջ 161: Այսուհետև՝ Թղթեր:

¹⁴ Տե՛ս Ա.Միթրայան, Գիշալ աշխ., էջ 39-40:

¹⁵ Տե՛ս Պատմութիւն Ամանուն Զրուցարի՝ կարծեցեալ Շապուհ Բագրատունի, Ե., 1971, էջ 102-205: Այդ պատկերը տեսնում ենք իրական կյանքում:

¹⁶ Տե՛ս Թղթեր, էջ 170-171:

վունյաց իշխանը քննադատում է, քանզի հասարակության առաջ ելույթ ունենալիս նա զարմացել է մարդու արյունատար համակարգով՝ առանց խորամուխ լինելու նրա զուգահեռ դրսևորումների մեջ¹⁷։ Նկատված չէ օրինակ բնության և մարդու նմանությունը։ Այդ առիթով ծերության օրերում համձնարարում է նրան ուսումնասիրել Գաղիանոսի 4-րդ և Սիսալիոսի 1-ին մատյանները կամ Գր. Նյուսացու կազմախոսության և բնության մասին աշխատությունը։ Սոկրատեսի, Պլատոնի իմաստուն մտքերը վկայակոչելով՝ հաստատում է, որ իր համար կարևորն ամեն ինչ աստվածաբանական մտքի առաջադիմությանը¹⁸ ծառայեցնելն է, որի դեպքում բոլոր մյուս գիտությունները պիտի ստորադասվեն նրան։

1047թ. նա Անիի կտակի շուրջ բանակցությունների ժամանակ Կոստանդնուպոլսում հանդիպում է արաբ իմաստասեր Սանուչեին. «յոյժ հմուտ իմայելական դպրութեան և ամենայն իմաստասիրութեամբ պերճացեալ և վարժեալ ի տաղասացութիւնս և հռետորութիւնս»¹⁹։ Նրանց զրույցն ավարտվում է բանավեճով, իսկ բանավեճը՝ զրազով։ Գրիգոր մեծ իշխանը պնդում է, թե «Աստվածաշունչ»-ը Աստվածային շնորհով է գրվել, իսկ արաբը՝ թե իրենց Դուրանը արվեստով նրանից բարձր է։ Գրազ են գալիս, և Մուհամմեդի «40 տարվա կատարածը» Սագիստրոսը կատարում է 4 օրում՝ գրելով իր խոստացած պոեմը։ Ջարհուրած հազարացին դառնում է քրիստոնյա։ «Չազարտողեան» պոեմի ծնունդը և ստեղծագործական պատմությունը շատ բան են ասում Գր. Սագիստրոսի՝ որպես ժամանակի հզոր անհատականության մասին։ Այս չափածո «Աստվածաշունչ»-ը Ս.Գրքի զրական մշակման յուրատեսակ մի փորձ է, երբ հայ հեղինակն առաջին անգամ համաշխարհային բանաստեղծության մեջ չափածոյի է վերածում այն։ Նա կանգ է առնում մարդկության համար կարևորագույն սկիզբների վրա, ա/ Լրարչագործության ու դրախտից վտարվելու, բ/ Համաշխարհային քրիեղեղի, գ/ Բաբելոնյան աշտարակաշինության։

Քրիստոնեությունը պոեմում գնահատվում է Աստվածաճանաչողության տեսակետից։ Կարևորվում է կենդանի Աստծո հետ մարդու հաղորդակցությունը և Նոր Կտակարանի դերը, որով բանաստեղծը լուծում է փրկագործության կարևորագույն խնդիրներ։ Հիսուսի մահվան և հարության մանրամասները զրված են ուժեղ շնչով։ Նրան հուզում է աղամական մեղքի և դրանից սրբվելու կարևոր գաղափարը, ինչպես Գր.Նարեկացու դեպքում։ Եվ ի վերջո, նա տալիս է

¹⁷ Նույն տեղում, էջ 110։

¹⁸ Նույն տեղում, էջ 114։

¹⁹ Տաղասացությունը Գրիգորի Սագիստրոսի Պահլաունոյ, Վենետիկ, 1868, էջ Ա։

Հայոց մեծ դարձի պատմագեղարվեստական արժեքը, ինչը համահունչ է իր թեմային: Նա նաև այն հայ բանաստեղծն է, ով առաջինը մեզանում գործածում է հանգը՝ որպես բանաստեղծական ձևամիջոց: Բերած բազմաթիվ նորությունների պատճառով Գր. Մագիստրոսը դառնում է 11-րդ դարի ամենամշակակորդներից մեկը: Նա մեծ ու լուսավոր գաղափարների կրող բազմակողմանի զարգացած անձնավորություն է, համրագիտակ մտածող, ժամանակի պետական և մշակութային գործիչ:

Դարաշրջանը եզրափակում է Հովհ. Իմաստասերը՝ մեծ տոմարագետը, գիտնականը և արվեստագետը: Նրա «Բան իմաստության» պոեմը գեղագիտական բարդ հադցեր է բարձրացնում, անդրադառնում արվեստի նախաստեղծ ուժի և մարդու՝ դրանից հեռանալու պատճառով բնական վիճակից կտրվելու հիմնախնդրին²⁰: Մեղադրանք հնչեցնելով մարդու հասցեին՝ Սարկավազը ցանկանում է նրան կատարյալ տեսնել: Մեծ մտածողին չի բավարարում նրա անկատարությունը: Նա առաջադրում է արվեստի նոր տեսությունը, որի մասին Մ.Աբեղյանը գրում է. «Եթե դա պատահմամբ փրկված չլիներ կորստից /պոեմը/, մեր նոր մտավոր հոսանքի զարգացման տեսությունը թերի կմնար»²¹: Թռչունն օժտված է բնատուր շնորհով, մինչդեռ մարդը զարգանալով՝ հեռացել է բնությունից, ընկել անբնական վիճակի մեջ: Այդ պատճառով էլ նրա արվեստը բնածին չէ, այլ ծեռքբերովի, ու թեև նա դարձյալ սովորում է բնությունից, բայց ցածր է մնում նրանից: Կյանքի ներդաշնակության, կեցության աստվածային-բանական օրենքներով առաջնորդվելու մեծ ձգտում կա նրա մոտ: Հեղինակը պահանջներ է դնում, որոնք արդիական են և միտված՝ մարդուն և մարդկությանը՝ վերահաս կործանումից փրկելուն: Այսպիսով.

1. Մարդու հիմնախնդիրը 10-11-րդ դարի հեղինակների ուշադրության առանցքն է:

2. Ցայտուն են ինչպես հոգևոր ոլորտի յուրացումները՝ աստվածաշնչյան կերպարների նորովի ընկալումներով, այնպես էլ կյանքի աշխարհիկացման ընթացքով:

3. Գեղարվեստական խոսքի առաջատար բնագավառը դառնում է պոեզիան՝ իր ժանրերի ընդգծված բազմազանությամբ:

²⁰ Յովհաննու Սարկավազի Իմաստասիրի եւ Վարդապետի ասացեալ Բան Իմաստութեան..... Մարգարիտներ հայ քնարերգության, հ.1-ին, Ե., 1971, էջ 78:

²¹ Մ.Աբեղյան, Երկեր, հ. 3, էջ 72: